

TARIKH : 3 MAC 2023  
AKHBAR : UTUSAN MALAYSIA  
MUKA SURAT : 35

**Petronas, Jogmec bekerjasama dalam inisiatif peralihan tenaga**

## Petronas, Jogmec bekerjasama dalam inisiatif peralihan tenaga

Oleh **NUR NAZLINA NADZARI**  
nazlina.nadzari@mediamulla.com.my

**PETALING JAYA:** Petronas menandatangani Memorandum Kerjasama (MoC) dengan Japan Organization for Metals and Energy Security (Jogmec) untuk bekerjasama dalam inisiatif peralihan tenaga ke arah mencapai peralihan tenaga dan sasaran nyah karbon masing-masing.

Inisiatif tersebut termasuk kerjasama yang berpotensi dalam hidrogen hijau/biru dan pembangunan amonia bahan api, penangkapan dan penyimpanan karbon (CCS) serta pengurusan pelepasan gas rumah hijau (GHG).

Kerjasama itu juga bertujuan untuk meningkatkan lagi hubungan teknikal dan kecekapan

dalam teknologi rendah karbon, sambil memacu peluang perniagaan dan menyediakan sokongan teknikal dan kewangan.

Ini membolehkan Jepun mengambil bahagian dalam projek Petronas di dalam dan di luar Malaysia.

MoC tersebut ditandatangani oleh Presiden dan Ketua Pegawai Eksekutif Kumpulan Petronas, Datuk Tengku Muhammad Taufik Tengku Aziz serta Pengerusi dan Ketua Pegawai Eksekutif Jogmec, Tetsuhiro Hosono, disaksikan Menteri Ekonomi, Mohd. Rafizi Ramli dan Menteri Ekonomi, Perdagangan dan Pelaburan Jepun, Yasutoshi Nishimura.

Majlis menandatangani perjanjian tersebut diadakan di Forum Pelaburan Awam-Swasta Komuni-

ti Pelepasan Sifar Asia (AZEC) yang dianjurkan Kementerian Ekonomi, Perdagangan dan Pelaburan Jepun di Tokyo.

Tengku Muhammad Taufik berkata, Petronas komited untuk melabur dalam teknologi dan inovasi untuk mempercepat pembangunan penyelesaian karbon rendah untuk pelanggannya.

"Melalui kerjasama sinergi dengan rakan kongsi yang mempunyai pemikiran sama seperti Jogmec, kami dengan sukacitanya terus mengukuhkan usaha dalam memacu inovasi dan skalabiliti dalam tenaga bersih.

"Ini sejajar dengan ke arah merealisasikan sasaran karbon sifar bersih menjelang 2050 dan peralihan tenaga untuk Asia," katanya.



**DATUK TENGGU TAUFIK TENGGU AZIZ (kanan) bersama Tetsuhiro Hosono pada majlis menandatangani MoC di antara Petronas dan JOGMEC di Tokyo, Jepun.**